

rore exagitari) hindan gesetzt / alle Göttliche Gnad vnd Barm-  
herzigkeit / seden sich offerierenden salutaribus medijs e diametro  
widersehen. Mann sehe doch an / vnd betrachte itzige zu endt lauf-  
fende zeit / man perpendire die vielfältige Geschäften vnd Handel  
der Menschen / welche mehrtheils vnnütz vnd vergebens / will  
geschweigen öffentliche Laster vnd Schandt dero Regimenten  
leyder Gott erbarm / bey Hoch vnd Nider Standts / dermassen  
oberhand genommen / daß an stat dieselbige gestrafft / solche  
noch vor Gott liebende Tugendt vnd Heroische Facten gehalten /  
auch derselben Patroni Deorum instar veneriet vnd gepriesen  
werden / ô vanitas vanitatum! O depraurte Menschliche Natur!  
mein Hertz möcht mir auß dem Leib springen / so oft ich bedencke  
den elenden Zustandt solcher vermeynten Freudt: Vnd ob ich woll  
vor mein Person diesem Vbel vorzukommen mich viel zugerung / vnd  
hülffbedürfftig / erkenne / kan ich doch auß Christlicher Liebe gegen  
dem Nächsten (Instillante JEHOVAH stimulantibusq; ROTARVM  
monitis.) nit vmbgehen / meine vor der zeit vmb gleicher Ursach  
willen in öffentlichen Truck gegebene Pandoram mit Schematis-  
mis wehtläufftiger zuerklären / dz so vielfältig begerte Collegium,  
Losament oder Behausung / der Hochlöb. Rodostaurotischen Brü-  
derschafft / beneben deroselben wahren Philosophy / den fidelibus  
Panfophiæ studiosis zuentdecken / damit sie doch einmal von  
Schlaff der Sünden erweckt / der new auffgehenden Sonnen  
vnd salutifero Helix, mit eröffnetem Herzen / entblöstem Haupt /  
vnd nackenden Füßen / frölich vnd freudig möchten entgegen ge-  
hen. Derohalben in Gott / Natur / vnd Weißheit liebende Brü-  
der / last euch diß mein getreue Instruction annemblich vnd befoh-  
len seyn / lesers vnd examiuirts mit ernst / so werd jr finden das /  
welches viel Tausend von anbegin hero gewünscht vnd begert / we-  
nig aber assequirt haben: Doch seyt from / Gottes fürchtig / Barm-  
herzig / gütthätig / vnd verschwiegen / sonst wird diese Weißheit  
(welche allhier so öffentlich entdeckt / vnd bloß vor Augen gestellt,  
daß

daß